

Kutoka kwa Nu'man ibn Bashir Mwenyezi Mungu awe radhi naye amesema:



Amesema Mtume rehma na Amani zimfikie: “Mfano wa Waumini, katika mapenzi yao, rehema, na upole, ni kama mwili mmoja ikiwa kiungo kimoja kitapata kasoro juu yake, sehemu nyingine yote ya mwili inakabiliwa maumivu na kukesha na homa”⁽¹⁾.

Ayah

Mwenyezi Mungu amesema:

﴿Enyi mlioamini! Atakayeicha miongoni mweni Dini yake, basi Mwenyezi Mungu atakuja leta watu anaowapenda nao wanampenda, wanyenyekevu kwa Waumini na wenye nguvu juu ya makafiri.﴾ [Al-Ma'idah: 54].

﴿Na Waumini wanaume na Waumini wanawake wao kwa wao ni marafiki walenzi.﴾ [At-Tawbah: 71].

﴿Muhammad ni Mtume wa Mwenyezi Mungu. Na walio pamoja naye wana nguvu mbele ya makafiri, na wanahurumiana wao kwa wao.﴾ [Al-Fthu: 29]

Msimulizi

Ni: Al-Nu'man bin Bashir bin Saad bin Tha'labah Al-Ansari, mwana wa mfalme, mwanachuoni, swahaba wa Mtume Rehma na Amani zimshukie na ni mtoto wa sahaba wake. Yeye ni miongoni mwa masahaba vijana kwa makubaliano ya wataalamu wa historia, na alikuwa mmoja wa viongozi wa Muawiyah, na alimteua kwenda mji wa Kuufa kwa muda, kisha gavana wa wilaya ya Damascus baada ya Fadala. Kisha mtawala wa Homs ambao ni mji ulioko katikati mwa siria, hadithi zake zilitolewa na maimamu sita katika sunani zao, na hadithi zake ni chache, alikufa katika mwaka wa (64 AH)⁽¹⁾.

Muhtasari

Mfano wa Waumini katika mapenzi, wema, upendo na huruma wao kwa wao, na mawasiliano na ushirikiano wao, ni kama mfano wa mwili mmoja, ikiwa kiungo kimoja kinauma, kinaathiri viungo vilivyobaki, na matokeo yake ni maumivu, kukosa usingizi na joto la mwili kuongezeka.

1 Imepokewa na Al-Bukhari (6011) na Muslim (2586).

1 Rejea ufafanuzi wake katika: “Al-Tabaqat Al-Kubra” cha Ibn Saad (6/53), “Al-Isti'ab fi Ma'rifat Al-Ashab” cha Ibn Abd Al-Bar (4/1496), “Usud Alghabati” cha Ibn Al-Atheer (4/550).




Ufahamu



Uislamu umejikita na kujenga jamii yenye mshikamano, ambamo upendo, mshikamano na ushirikiano ndio vinatawala, na unatawaliwa na kanuni isemayo: “Hawi na Imani mmoja wenu mpaka ampendelee ndugu yake kile anachokipenda mwenyewe”.⁽¹⁾



Kwa ajili hiyo, Mtume, Rehema na Amani zimshukie, ametoa mfano ambao waumini wanapaswa kuwa nao baina yao kwa mafungamano na mshikamano; Ambapo yeye Mtume, amani iwe juu yake, aliwaonyesha katika wema wao na huruma yao kwa wao, na mapenzi yao na ukaribu wao kwa wao; ni kama mwili mmoja, ambao mara tu sehemu moja inapolalamika, basi viungo vyote huitana kuomboleza na kushikamana kwa ajili ya sehemu hiyo, na mwili wote hukosa usingizi na hupata homa kwa sababu ya sehemu hiyo. Hivi ndivyo Muislamu anavyopaswa kuwa katika hisia zake kwa ndugu yake na huruma yake kwake; Anateseka kwa ajili ya maumivu yake na kufurahi kwa furaha yake, na kumwondolea uchungu wake kadiri awezavyo. Na yeye Mtume rehema na amani ziwe juu yake, amesema: “Muumini kwa Muumini ni kama jengo lilioshikamana” na akaunganisha vidole vyake.⁽²⁾



Mtume alimwajibisha Muumini kuchunga mambo ya Waumini, hususan majirani ambao ni watu wa karibu zaidi. Amesema Rehema na amani ziwe juu yake. “Muumini hashibi ilhali jirani yake ana njaa pembeni yake.”⁽³⁾ Na yeye Mtume amani iwe juu yake, akawawekea suna Waumini kuwasaidia ndugu zao na kujitahidi kuwatimizia haja zao. Alisema, amani iwe juu yake. “Mwenye kumuondolea Muumini dhiki ya dunia, Mwenyezi Mungu atamwondolea dhiki ya Siku ya Kiyama. Na mwenye kumfanyia wepesi mfilisi, Mwenyezi Mungu atamfanyia wepesi duniani na Akhera, na anayemsahilishia Muislamu. Mwenyezi Mungu atamuwepesishia duniani na akhera, na Mwenyezi Mungu yu katika msaada wa mja maadamu mja yuko katika msaada wa ndugu yake.”⁽⁴⁾

1 Imepokewa na Al-Bukhari (13) na Muslim (45).

2 Imepokewa na Al-Bukhari (481) na Muslim (2585).

3 Imesimuliwa na Abu Ya'la katika Musnad yake (2699).

4 Imepokewa na Muslim (2699).

Mafunzo



Kupiga mifano na kutumia taswira za picha ni mojawapo ya mbinu fasaha zaidi katika kufafanua maana. Mlinganiaji, na mwalimu atumie mifano na kuleta maana karibu.



Moja ya dalili za imani kamili ni kuwa Muislamu anajishughulisha na mambo ya Waislamu, anafurahi kwa furaha yao na huzuni kwa shida yao.




Kujitahidi kukidhi mahitaji ya watu na kuwanusuru ni miongoni mwa ibada bora kabisa ambayo kwayo mtu hujikurubisha kwa Mola wake Mlezi, naye Mtume rehema na amani ziwe juu yake amesema: “Watu wanaopendwa zaidi na Mwenyezi Mungu ni wale yenye manufaa zaidi kwa watu, na amali inayopendwa zaidi na Mwenyezi Mungu ni faraja unayomletea Mwislamu, kumuondolea dhiki au kumlipia deni au kumuondolea njaa, na mimi kutembea na ndugu mwenye haja. Ni bora zaidi kwangu kuliko kukaa mwezi mmoja ndani ya msikiti huu - yaani, msikiti wa Madina - kwa muda wa mwezi mmoja. Na anayezuia ghadhabu yake, na ilihali anaweza kuipitisha, basi Mwenyezi Mungu ataujaza moyo wake Siku ya Kiyama radhi, na mwenye kwenda na nduguye kwa haja mpaka amtimize, basi Mwenyezi Mungu ataiweka imara miguu yake. Siku ambayo miguu itateleza.”⁽¹⁾



Moja ya aina za huruma na mshikamano baina ya Waislamu ni kwamba Mtume, Rehema na amani ziwe juu yake, alipouawa shahidi Ja'far bin Abi Talib Mwenyezi Mungu awe radhi naye alisema: “Waandalieni chakula watu wa Jafar; kimewajia kitu kinachowashughulisha.”⁽²⁾



Miongoni mwa mapenzi ya waumini ni Muislamu kuwatembelea wagonjwa, kusaidia masikini, kudumisha mafungamano ya kijamaa, kumheshimu mgeni, kuhudhuria mazishi, na kutoonyesha furaha mbele ya wenye huzuni.



Amesema mshairi:

Kuweni pamoja, wanangu linapotokea = jambo, na wala msitengane

Cheche zinakataa kuvunjika ikiwa zimeshikamana = na zikitengana, huvunjika mojambo.

1 Imepokewa na Al-Tabarani katika Al-Mu'jam Al-Awsat (6026).

2 Imepokewa na Abu Daawud (3132), Al-Tirmidhiy (998), na Ibn Majah (1610).

